

beant jurisdictionem, eorum arbitrium vim, et exitum non habet nisi præsto sit auctoritas Magistratus, seu Judicis ordinarii, cuius imperio arbitri executio perficitur. Hoc autem imperium ad illud exequendum non accommodat Magistratus, nisi primum re cognita intelligat, dignum revera esse arbitri judicium, quod à litigantibus observetur.

§. XV. Expirant arbitria mutuo consensu, morte compromittentium, nisi etiam heredum facta sit mentio (1), uno alterove ex arbitrī mortuo (2), nisi cautum compromiso sit, ut uno ex arbitrī vita functo reliqui judicent (3), lata sententia, interitu rei, de qua litigatur lapsus tempore constituto, nisi illud justis de causis, uti demonstratum supra est, prorogatum fuerit.

(1) *Cap. 10. et ult. de Arbitr., L. 32. §. Si heredis ff. de Recept. arbitr.*

(2) *Cap. 50. de Testibus.*

(3) *Cap. 42. de Offic. et potest. delegat.*

TITULUS XVIII.

De pactis & transactionibus.

I. Quid pactum?

II. Pacti liberatorii exempla.

III. Pacta Sacris Canonibus non probata.

IV. Pacta observanda.

V. Transactio quid?

VI. Ut ea valeat, quæ requiri-

rantur.

VII. Effectus transactionis.

VIII. Qui transigere possint?

IX. Quibus de rebus transactio fieri nequeat?

§. I.

Non solum arbitrī, sed etiam pacto, et transactione lites finiri possunt. Pactum ab Ulpiano definitur (1) duorum, vel plurium in idem placitum consensus, patetque latissime in jure de pactis disputatio. Nos hoc titulo non de pactis universe agimus, sed illud tantum persequimur genus pactorum, quibus lis extinguitur, et quæ vulgo liberatoria pacta appellantur.

(1) *L. 4. ff. de Pactis.*

§. II. Pacti liberatorii in jure civili multa exempla sunt (1), atque illud prodest ad exceptionem, quæ vel pacti conventi exceptio, vel exceptio doli dicitur, quoniam dolo agit, qui contra pacti fidem agit (2). Jure quoque canonico cautum, et provisum est, ut pacta diligenter observentur, adhibita etiam, ubi opus fuerit, judicis auctoritate (3); modo pactum honestum, licitum, possibile sit (4), jus tertii non lædat (5), fiatque ab iis, qui paciscendi obtinent potestatem.

(1) „Si paciscar, ne judicati, vel incesarum ædium agatur, pactum valet. Si paciscar, ne operis novi nunciationem exequar.... si ex re familiarī operis novi nunciatio sit facta, liceat pacisci.“ Sunt hæc liberatorii pacti exempla, quæ proponit Ulpianus in *L. Jurisgentium* 7. §. *Si paciscar ff. de Pactis.* Simile est exemplum Pauli in *L. 27. §. Si cum mihi ff. eod.* cujus hæc verba sunt: “si cum mihi decem deberes, pepigero, ne à te viginti petam, in decem tibi prodesse pacti conventi, vel doli exceptionem placet.

(2) *Doli exceptionem subsidium esse pacti exceptionis* inquit Ulpianus *L. 10. §. Plerumque ff. de Pactis.*

(3) *Cap. 1. & 3. de Pactis.*

(4) *Cap. 4. 5. ult. eod.*

(5) *Cap. 7. eod., c. 2. eod. in 6.*

§. III. Pacta quæ sacris canonibus nominatim improbantur, sunt pactum de beneficio ecclesiastico pecunia, aut alia re pretio aestimari solita resignando (1); de concedenda ecclesia ea lege, ut post obitum provisi aliis succedat (2), de solvenda graviori pensione, ut quis faciliter ecclesiam obtineat (3); pactum quo monachi aliis sua bona locant, ut hi aut decimas sibi solvant, aut apud eosdem eligant sepulturam in perniciem ecclesie parochialis (4).

(1) *Cap. 4. de Pactis.*

(2) *Cap. 5. cod.*

(3) *Cap. 6. cod.*

(4) *Cap. 7. cod.*

§. IV. Cetera pacta, quæ non bonis moribus adversantur, non res impossibles, turpesve continent, non in animæ detrimentum vergunt, postremo, quibus nihil

Tom. III.

Aa

jure obstat, custodienda, observandaque diligenter sunt. Hinc privilegiis etiam, quæ privatim sua, et propria sunt, abdicare se unusquisque potest (1); valetque pactum juratum, quo mulier, cum nubit, accepta dote promittit, se nihil amplius ex paterna hereditate petituram. (2).

(1) *Cap. 1. de Paetis in 6.*

(2) *Cap. 2. de Paetis in 6.*

§. V. Sed litium dirimendarum causa plerumque utimur transactione, quæ species quædam est pacti, et interdum etiam pacti nomine appellatur (1). Proprie transactione initur de re dubia, ac lite incerta (2); atque aliquid datur, aut promittitur, ut litigantium alter litem deserat (3). Pactum autem pertinet ad res certas, atque, ut plurimum, nihil accepto, aut promisso conficitur.

(1) *L. 28. §. 2. ff. de Paetis, l. 1. cod. eod., l. 4. ff. de Jur. fisc.*

(2) Transactionis, et pacti discrimen eleganter expressit Ulpianus in *l. 1. ff. de Transact. his verbis*: „Qui transigit quasi de re dubia, & lite incerta, neque finita transit; qui vero paciscitur donationis causa, rem certam, et in dubitata liberalitate remitti.“

(3) *L. 38. Cod. de Transact.* Atque id quidem adeo late patere complures putant, ut eam statuant interpretationis regulam, si quando in libris juris pactum re aliqua data, aut promissa, aut retenta fieri dicitur, ut in *L. 28. ff. de Paetis, l. 1. cod. de Paetis, l. 4. ff. de Jur. fisc.*, semper pactum pro transactione accipendum esse. Sed qui ita sentiunt, vehementer errant. Transactione quidem nunquam est gratuita, sed pactum, et gratuito fit, ut in *L. 1. ff. de Transact.*, & cum pretio, atque aliquo dato, ut in *l. 41. ff. de Paet.*, & in *l. 6. §. Si quis, & §. Qui jussu ff. de His qui notan. infam.* Non igitur in *l. 1. ff. de Transact.* illa est adhibenda, quæ vulgo adhibetur, verbor. interpunctio, qui paciscitur, donationis causa rem certam, &c., sed legendum est, ut Græci, & horum exemplo Dionisius Gothofredus legunt: qui paciscitur donationis causa, rem certam &c., quemadmodum in *l. 28. §. Si filius ff. de Paetis* scriptum est: *si donandi causa pactus sit.*

§. VI. Porro hæc duo in transactione omnino sunt necessaria, ut scilicet detur aliquid, aut aliquid promittatur, utque de re dubia fiat. Nam promisso, datove

nihil, itemque de re certa transactione fieri non potest (1). Hinc etiam post sententiam recte transigimus, quia adhuc incertus est litis exitus, sed non etiam post rem judicatam, et cum procul est omnis litis redintegranda metus (2). Sed quemadmodum jure Romano transactione super re judicata firmabatur, cum per Aquilianam stipulationem, et acceptilationem jus ex re judicata quæsitum ipso jure perimebatur (3), et gratuitum probabatur super re judicata pactum, tamquam liberatorium, et donationis causa conceptum (4), ita moribus receptum est, valere transactiones, quæ super negotio ex re judicata certo initæ sunt (5).

(1) *L. 38. cod. de Trans.*

(2) *L. 32. cod. eod.* Verum ad transactionem recte ineundam satis esse litis metum, scriptum est in *l. 2. cod. eod.*

(3) *L. 32. Cod. de Trans.*

(4) *L. 7. §. Si paciscar ff. de Paetis*, Paulus Recept. sentent. l. 1. tit. 1. §. 5. ibique Schultingius in *Not. n. 13. p. 220. ed. Lips. 1737.*

(5) *Videndus Groenewegen ad l. 7. §. 1. ff. de Trans. n. 2.*

§. VII. Transactionis magnus in jure favor, et auctoritas est. Nam ea mutuae transigentium renunciationis vim habet; quo fit, ut omnia eorum jura tollantur (1), pariatque litis finitæ exceptionem (2), initaque bona fide, atque ex non falsis instrumentis, ne si nova quidem deinceps prodeant monumenta, è medio tollenda sit, nisi primum in integrum restitutio impetrata fuerit (3). Jure civili tum *nudo pacto*, tum subjecta pacto convento *Aquiliiana stipulatione* transactione perficitur (4). Cum pacto facta est, actio exceptione submovetur (5), cum Aquiliiana stipulatio est adhibita, actio ipso jure tollitur (6). Sed canones non laborant de ista nimis attenuata diligentia juris civilis, et Aquiliana etiam stipulatione negligita, obligationes quoquo modo contractas transactione omnino perimi volunt (7).

(1) *Cap. 1. de Trans.*

(2) *Cap. 1. de Litis contes. in 6.*

(3) *L. 10. 19. 42. Cod. de Trans.*

- (4) L. 2. & 15. ff. de Trans.
 (5) L. 15. cod. eod.
 (6) L. 3. et 4. cod. eod.
 (7) Cap. 1. de Trans. ibique Gonzalez n. 15.

§. VIII. Transigere omnes possunt, qui pacisci, et alienare; nam transactio alienatio est. Hinc minores, pupilli, amentes, ceteri similes, qui res suas alienare nequeunt, etiam transigere prohibentur; et Prælati, qui sine certis solemnitatibus res Ecclesiæ alienare non possunt, easdem quoque solemnitates in transactione servare debent (1). Quod dicendum generatim est de omnibus, qui res habent ad Ecclesiæ patrimonium pertinentes, uti sunt beneficia (2), decimæ (3), cetera similia, de quibus si fiat transactio sine debitib[us] solemnitatibus, obligare quidem poterit, qui eam absolvit (4), successores vero non obligat, neque aliquid Ecclesiæ rebus infert detrimenti (5).

- (1) Cap. 2. & 3. de Trans.
 (2) Cap. 7. eod.
 (3) Cap. 2. eod.
 (4) Cap. 5. eod.
 (5) Cap. 8. eod.

§. IX. Sed neque de rebus omnibus transigere fas est. Nam Jus Canonicum transactionem fieri vetat de ecclesiasticis beneficiis, in quibus omnis non gratuita pactio turpis habetur, planeque rejicitur (1), sed tamen in iis admittitur amicabilis compositio (2); item de jurepatronatus, quod accepta pecunia in aliud conferri non potest (3). Sponsalia de futuro transactionem non respnuunt; quoniam mutuo consensu dissolvi possunt (4); sed de matrimonii sacramento omnis plane transactio, aut pactio irrita est (5).

- (1) Cap. 4. de Pactis, cap. 4. de Trans.
 (2) Ita si duo inter se de beneficio litigent, recte fit amicabilis compositio, per quam alter nullo accepto prelio, vel re temporali suo se jure sponte abdicat cap. 7. de Trans.
 (3) Cap. 9. eod.
 (4) Cap. 2. de Sponsal.
 (5) Cap. ult. de Trans.

TITULORUM TOMI TERTII.

TITULUS I.

De judiciaria Ecclesiæ petestate.

28

TITULUS II.

De judiciis, & eorum divisione.

28

TITULUS III.

De procuratoribus.

32

TITULUS IV.

De foro competenti.

37

TITULUS V.

De libelli oblatione, deque in jus vocando.

56

TITULUS VI.

De Dolo & contumacia.

67

TITULUS VII.

De litis contestatione.

73

TITULUS VIII.

De juramento calumniæ.

76

TITULUS IX.

De probationibus.

80